

P. verecunda Schltr., nov. spec.

Epiphytica, erecta, c. 20 cm alta; rhizomate valde abbreviato; caulibus valde approximatis, teretibus, vaginis 3 alte amplectentibus dimidio inferiore obtectis, 10—12 cm longis, 2 mm diametentibus; folio erecto, lanceolato-ligulato vel anguste lanceolato, acuminato, basi cuneato, sessilio, carnosu-coriaceo, 8,5—10 cm longo, medio fere 1—1,4 cm lato; inflorescentiis erectis vel arcuatis, folio fere duplo brevioribus, pedunculo paucivaginulato, usque ad 3 cm longo, racemo laxo pauci- (2—4-) floro: bracteis cucullato-ovalibus, acuminatis, ovario pedicellato paulo brevioribus vel subaequilongis; floribus in genere mediocribus, carnosulis, glabris, purpureis; sepalis intermedio anguste oblongo, acuto, 6 mm longo, 3-nerviis. nervo medio extus incrassato, lateralibus oblique et anguste oblongis, acutis, extus nervo medio carinato-incrassatis, intermedio aequilongis. usque infra medium connatis; petalis quam sepala fere duplo minoribus. oblongo-ligulatis, acutis, tertia parte apicali paulo dilatata marginibus irregulariter denticulatis, uninerviis; labello e basi angustiore quadrata ima basi auriculata e tertia parte basilari subito in laminam semioblongam obtusam basi truncatam apicem versus verruculosam dilatato, petalis fere aequilongo; columna leviter curvata, petalis paulo brevioribus, clinandrio lacerato; ovario cum pedicello subaequilongo c. 3 mm longo, glabro.

Panama: Auf Hügeln bei Panama-City — no. 91.

Nach der Cogniauxschen Einteilung der Gattung wäre die Art wohl zu den *Sarcodanthae-Brachystachyae* zu rechnen, doch bin ich nicht imstande, nähere Verwandte anzugeben. Durch den Habitus, die kurzgestielten purpurroten Blüten und die Form der Lippe ist sie recht gut charakterisiert.